

琴隱園詩集

能

琴隱園詩集卷二十一

武進 湯貽汾 雨生

琴隱集

甲午年五十七

益齋觀察生日卽席示同人

人日過旬日元宵隔兩宵名園招勝引晴日正生朝野鶴

來瀛海春風展素綃

擬作青溪八逸圖以隱圃刺史游維揚竹嶼都轉客杭州而遲之今經營

方始從今聯八逸歌詠 聖明朝

王香湖

青蓮

觀察歸冀甯金陵人餞諸莫愁湖有湖

樓話別圖漫題其後兼懷前觀察王幼海

藕花風裏綠楊陰舉酒同賡送遠吟世路誰非太行險君

恩獨似大江深晨星回首三關盡朔雪逢人兩髯侵難忘
蓮華峯下客秋燈閒話白雲心

均之既和予藤易笠詩乃屬王鶴舟寫藤兄笠弟圖
貽予遂題其後

笠也難爲弟藤分忝作兄乾坤一俯仰宇宙此縱橫老識
山林趣貧餘縞紵情片縑佳話永珍重鶴猿盟

戲題均之所贈大笠子

神武門前不再經惠文消卻髭雙青蓋頭一把渾無分失
喜隨身落小亭

九衢冠蓋日紛紛黃葉埋頭靜不聞驀地相思千萬里幾
人仰面看青雲

二月十六日同人過集致園飲散有作卽次古餘文

韻

春光九十半經過老大生涯寄歡歌客去簷禽忙倡和醉
餘庭樹學婆娑嬾來縑素南山積病裏詩篇落葉多別有
陰晴關我念比隣花事問如何

追歡勿訝髣髯毛更折東欣逢社後晴幾日梅花愁欲盡兩

人竹葉不同傾

伊圃遠游竹嶼不至

狂憑鼓掌消黃嬾健約尋春借

雪晴後會休遲婪尾宴平章宅似洛中行

竹嶼近於洛中移種牡丹有約

花時宴賞

可石集諸老飲花下次韻

少年如昨日轉瞬成衰翁一事尙年少劇飲能千鍾千鍾

使顏酡勝食蒲九節花前笑口開遣此春三月花開風雨
妒及此時晴和一日一回醉不辭酒債多伊昔侯門深笙
歌亡雲遏花前解語花相對無差別於今花亦老白髮閒
招邀杖邊羞蝶豔頭上憐鶯嬌鶯蝶何紛紛隨春來復去
不如白髮翁長在看花處七翁五百歲歲歲同看花再看
五百春樂死無吝嗟天地一蘧廬誰賓又誰主相遇卽陶
然相思復相聚惟念鴛湖鯉不寄新詩篇別來三月久安
否餐與眠夕陽各言歸佳句同嘖嘖幾日餞春來再看紗
籠碧

石頭城公餞趙菊言

盛奎

司寇卽題石城送別圖寄

之

石城雨急潮砰湃童叟羅遮寇公拜崇觴載俎傾城狂新冠納言佩水蒼中臺賦政重德望不獨東南資保障東南
煖滂連三年鄭公活人幾萬千琴鶴輕裝去天上班生此
行人羨仙憶昨旌幢暗林谷覓句雲堂同炰粥君卿閭巷
辱頻過三尺蒿萊映華轂名園忍絕張敷蹤蠟屐還因片
刺紅歡緒無多頓秦越疏麻入手分雲龍雲龍會合何時
再我是田間閒負耒願公霖雨遍蒼生免我饑寒色如菜
皇陂高揖歧言休輕帆獵獵江悠悠明日來看送行處但
見維舟岸旁樹岸旁樹歲月長卽今便是公甘棠棠陰多
少攀轅淚和墨成圖盡寄將

白門重晤張仙槎

寶

山人

七十張安世懸河三篋書千山銷蠟屐百卉擁精廬解我
辭鄉劍尋君踏雪驢相攜何處好酒國是華胥

哭古餘丈

世間誰似張方平八十危坐視聽明松身鶴骨偃佗侶擲
杖不見人天驚人天沈寥在何許耳中猶似譚諄語十年
高會重耆英我最後來君樂與與君相識廬江船我偕海
客君來觀乙亥子自嶺外押送暹羅貢使入都道出吉安君時典郡鼓棹來迎始獲相識君時異
政邁劉竺白鹿隨車人共傳金門獻賦佳公子琴話精藍
縞紵始乙亥在都君次子子實訪子於保安寺街僧舍高名碩德動星文萬石非
徒炫朱紫雲龍再合無非緣鄭公喬木空蒼然花間曾得
幾回醉襟上酒痕殊未乾虞淵日入難重曉九十春歸人

其杳

卒於四月朔日

八門一慟簞醪陳腸斷盟壇遺七老吁嗟乎

禿頂如壺始挂冠殘生所務觴咏歡龍頭失卻無顏色從此何心對泉石君不見東家高訾驕如苴西舍虹旌駟馬車回頭盡作北邙土我輩能無草同腐讓君泉路著鞭先收淚安排沽酒錢不學長生學長醉思君還當醉時眠

題畫

村居晝寂寥農事無些子坐愛綠楊風苔磯釣春水柴門亂葉飛相送語依依明日期君至尋詩向翠微

題張道陵像

有漢張輔漢畱侯八世孫方頤復廣顙七歲通天人幽棲北邙山白虎銜符文太傅更列侯三詔優君恩蠶叢一何

險遁跡辭蒲輪弟子長與昇空谷隨脩眞龍虎護丹鼎妙
術綜乾坤嵩山繡衣使秘錄中峯存讀之善分形鶴鳴逢
老君雌雄授雙劍能召三萬神盡殲六魔王遂服八部尊
殺鬼未免多昇天遲廿春朱衣降金闕星冠朝玉宸羣仙
樂高會上帝憂下民勅還塵世上勸度苦海身永壽改元
歲人日日午辰夫婦兩弟子白日乘青雲時年百廿三有
道傳後昆至今覩遺像神鬼驚心魂

王竹嶼都轉白雲迴望圖

天闕極天高雲低風怒號回頭隔山色血淚入江濤少日
稱騏驎歸來擁節旌豐碑好磨礧積善 聖恩褒

唐元宗嘗爲張

燕國書其父墓碑
曰嗚呼積善之墓

又題松楸丙舍圖

君尊人葑亭參議墓在牛首姚姬傳刑部誌墓梁山舟學士書丹

石堂下八祚鬱鬱佳深松文梓牛山隈中郎誌墓幼安字其
公得稱三絕碑素狸臞雀馴廬畔柴毀人驚王道彥從來
忠孝出此情誠魏闕瀧岡同一戀入官廿載還鄉稀白雲渺
渺望見之不能展墓展圖畫萬古此圖傳孝思義車犇迅
悲駒隙一日再中安可得傷心寸草背春暉祇悔生前遠
親側少孤客早尤悲吾去官仍復違里閭墳前空置萬家
地守視不如田舍夫羨君解組猶青髭擁簪松崦去來近
三徵不肯就蒲輪風雨空山畱蔡順榮親所貴貽令名觀
君治譜知生平

著有越中從政錄
浙中水利備考

箴言藥石謝先友所志

一一皆躬行江城寒食逢君話傑閣明窗陪讀畫紛紛白

蝶四山飛怕見麒麟野狐拜吞聲掩卷悵斜曛有子如吾
愧向君築闕旌門 恩未報豐碑愁煞臥荆榛

先塋蒙
恩諭葬

又題江聲帆影閣詩卷

千尋傑閣俯江郊滿紙松烟舞瘦蛟館水巢山天自許批
風抹月世全拋胸中亦有千間厦老去渾無一把茅喜託
羊裘容獵酒短筇時復到花梢

白鷺洲朱道士嶽雲畱飲

嶽雲善
詩畫

花藥周遭太乙壇叩門誰識舊黃冠

子自
謂

對君疑是六朝

客鍊句妙於九轉丹敢乞烏犍償畫債聊尋白鷺下漁竿
秣陵自失陶宏景八素何人可借觀

馥郁仙醺其客傾不騎啞虎不吹笙狂歌痛飲真吾輩破

硯焦琴了此生可笑朱崖悲玉象有誰碧海去長鯨因君

更憶飢虛叟

謂王樸
山道士

昨到真源剩石枰

真源宮道士崔之
道吞弈子得尸解

樸山善弈故後隱
仙菴已就荒矣

柬集團主人慰病

藤兄亦有笠笠弟亦有藤一月不相過觸熱良可憎幽蘭

同君芳白蓮似君潔

時以二
花見貽

感此美人貽相對如冰雪文

園養病地維摩示疾人我貧豈無病君病甯因貧我性幸

善忘忘病得無苦遺身而身存此語聞之古澄軒好風月

集團有
保登軒

消夏宜羣鷗碧筒已足吸甘瓜亦可浮故人江北

南行共躋新閣

周保緒在揚陳伯游在蘇皆
將還金陵集團新營天放閣

且看三枝藤

二豎同來逐

桐城劉菊生

保泰

孝廉藏其婦翁李次卿

仲昭

侍御

遺琴曰真隱有記有贊憶二十年前侍御嘗攜此
訪予羊城各弄數曲頃忽覩之於白門安園不勝
人琴之感因作歌以貽之

憶昔羅浮抱琴出病臥越臺人跡絕忽聞客至白鶴峯入
門示我千年桐爲言神物出良賈誰其藏者胡氏祖窮源
乃自少保葉自明迄今屢易主大隱無名人莫知銘曰真
隱真吾師

皆記中語

焚香煮茗一揮指移我心情悟元旨一時

贈答不用詩同把此琴酬唱之回頭忽忽二十載不意人
亡琴尚在梅州至此路七千此琴不識來何年相逢知爾
還相憶花下摩挲淚似泉淚似泉君莫訝游侶行看儻米

債

子有琴銘曰錯道人游侶

十二桐君終屬誰眼中屏徑他人開

子蓄琴十

二顏所居曰十二古琴書屋本保緒宅今將易主

世間何物不可哀劉郎但願寶

此無離乖君不見中郎中散長不死身後猶能奏宮徵清風明月好林亭精魄千年不離此

官閣吟寒圖爲蔡小石太史題

七寶爐輝五色箋珊瑚詩骨玉梅妍王恭鶴筆顏訐不到瀛洲已是仙

銀罌翠管拜

君恩共看書雲彩筆新不信冰蠶成黼黻

至今葛帔在風塵

圖有族子用中詩卽與君濠梁官舍消寒作也

怪絕張漣老畫家

張少白贊府作圖

空山深谷當官衙可知世有

屏風肉笑倒陶公白雪茶

鳳凰豈作紇千聲
白戰猶能整酒兵
四十年來鴻雪盡更

無人憶舊寒盟

嘉慶初元子守備鳳陽與朱樹堂李半頁諸君作消寒之會頗有唱和

乙未年五十八

屈子祠僧修本索詩

一庭花雨一溪萍
屈子祠堂晝窈冥
賽社歸時人盡醉水

仙彈與白鷗聽

亭廊窈曲水空濛
若箇幽棲似遠公
我有吟魂招不得扁

舟轉眼落湘東

時將楚游

黃楚橋

學記

藏其故人吳思堂畫乞題

金匱玉軸重連城
無限山陽笛裏情
覆瓿紛紛歎何物東

塗西抹念平生

論交湖海卅年多知己無如董與何
遺草未編慙後死因君老淚獨滂沱

朱嶽雲道士麥浪舫昔年沒於水以舊圖乞詩

紫霄不逐金門步逍遙自種三花樹
花間但讀龍嶠經世上爭傳石鼎句
鍊乳煎香四十年松姿鶴骨地行仙
壺盧破卻無棲處忽漫相逢沙鷺邊

三寸冠中兩童子日夕張筵具甘旨
道人無復田與廬是非豈畏三彭訾
何年地湧局腳牀揮塵依然踞我旁
原來船壞胡孫在一笑休論滄與桑

故厓州參將錢公

邦彥

乾隆間以窮追海寇戰歿嗣

君蓉橋

鍾

參戎屬題其觀海圖遺照

同是羽林孤傷心海一隅滄波不可竭血淚到今枯家國
無窮恨英靈在此圖匡山千尺浪猶似鼓聲鼙

予嘗爲蓉橋寫秋窗把卷圖越年餘寄圖索詩以病
未報而蓉橋訃至揮淚題此卽以輓之

千林紅萬山紫落日溪堂亂鴉裏此圖我作曩贈君置君
把卷松濤底四十年識君始白晳專城吾邑里君方躍馬
我下帷豈復知君愛書史白門並轡還同醉席帽尋秋攝
山寺詩意常懸眉宇間不吟恐被時人忌我去樓煩君洞
庭塞鴻迢遞不勝情扁舟載鶴之江別一昔銜杯五嶺行
前年握手蘇臺畔老病如同僧退院繫駒投轄情何長翦
燭聯牀語無倦抱琴我返鐘山筇尺書吹到鯉魚風卻寄